

ინსტრუქცია: ინფორმაცია მომხმარებლისთვის
დეპაკინი ქრონო 300 მგ ხანგრძლივი გამოთავისუფლების ტაბლეტები
Depakine Chrono 300 mg prolonged release tablets

ნატრიუმის ვალპროატი (sodium valproate)

SANOFI

- ✓ მოცემული პრეპარატი ექვემდებარება დამატებით მეთვალყურეობას, რაც მოგვცემს უსაფრთხოებასთან დაკავშირებით ახალი ინფორმაციის სწრაფად დადგენის საშუალებას. ნებისმიერი არასასურველი რეაქციის შესახებ ინფორმაციის შეტყობინებით შეგიძლიათ შეიტანოთ თქვენი წვლილი მის უსაფრთხოებაში. არასასურველი რეაქციის შესახებ შეტყობინების მეთოდი იხილეთ მე-4 პარაგრაფში.

გაფრთხილება

დეპაკინი ქრონო 300 მგ-ს, ნატრიუმის ვალპროატს, შეუძლია სერიოზული ზიანი მიაყენოს ნაყოფს, ორსულობის პერიოდში მისი მიღების შემთხვევაში. თუ ხართ რეპროდუქციული ასაკის ქალბატონი, უნდა გამოიყენოთ კონტრაცეფციის ეფექტური მეთოდი დეპაკინი ქრონო 300 მგ-ით მკურნალობის დროს. თქვენი ექიმი განიხილავს ამას თქვენთან ერთად, მაგრამ ყოველთვის უნდა დაიცვათ ამ ინსტრუქციის მე-2 პარაგრაფში მოცემული მითითებები.

დაუყოვნებლივ მიმართეთ თქვენს ექიმს, თუ ხართ ორსულად ან ფიქრობთ, რომ ხართ ორსულად. არ შეწყვიტოთ დეპაკინი ქრონო 300 მგ-ით მკურნალობა თქვენს ექიმთან კონსულტაციის გარეშე, რადგან თქვენი მდგომარეობა შეიძლება გაუარესდეს.

მოცემული პრეპარატის მიღების დაწყებამდე ყურადღებით წაიკითხეთ სრული ინსტრუქცია, რადგან ის შეიცავს თქვენთვის მნიშვნელოვან ინფორმაციას.

- შეინახეთ ეს ინსტრუქცია. შეიძლება, კვლავ დაგჭირდეთ მისი წაკითხვა.
- დამატებითი ინფორმაციის მისაღებად, მიმართეთ თქვენს ექიმს ან ფარმაცევტს.
- აღნიშნული პრეპარატი დაგენიშნათ პირადად თქვენ. არ გადასცეთ ის სხვა პირებს. ეს შესაძლოა, საზიანო აღმოჩნდეს მათთვის იმ შემთხვევაშიც კი, თუ მათი დაავადების სიმპტომები თქვენსას ემთხვევა.
- თუ აღგენიშნებათ რომელიმე არასასურველი სამკურნალო რეაქცია, აცნობეთ ამის შესახებ თქვენს ექიმს ან ფარმაცევტს. ეს ეხება ნებისმიერ შესაძლო არასასურველ რეაქციას, რომელიც არ არის აღწერილი წინამდებარე ჩანართში. იხ. პარაგრაფი 4.

წინამდებარე ინსტრუქციის შინაარსი

1. რას წარმოადგენს დეპაკინი ქრონო 300 მგ და რისთვის გამოიყენება ის

2. რა უნდა იცოდეთ დეპაკინი ქრონო 300 მგ-ის მიღებამდე
3. დეპაკინი ქრონო 300 მგ-ის მიღების წესი
4. შესაძლო არასასურველი რეაქციები
5. დეპაკინი ქრონო 300 მგ-ის შენახვის წესი
6. შეფუთვის შემადგენლობა და დამატებითი ინფორმაცია

1. რას წარმოადგენს დეპაკინი ქრონო 300 მგ და რისთვის გამოიყენება ის

დეპაკინი ქრონო 300 მგ-ის აქტიური ნივთიერებაა ვალპროატი.

დეპაკინი ქრონო 300 მგ მიეკუთვნება სამკურნალო საშუალებების ჯგუფს, რომლებიც გამოიყენება ეპილეფსიის ან მანიის სამკურნალოდ. დეპაკინი ქრონო 300 მგ გამოიყენება

ეპილეფსიის სამკურნალოდ:

- პირველადი გენერალიზებული ეპილეფსია და კრუნჩხვები,
- შეტევების ტიპები:
 - აბსანსი (petit mal), გენერალიზებული ტონურ-კლონური (grand mal), ტონური და ატონური კრუნჩხვები, მიოკლონური შეტევები, ინფანტილური სპაზმები.
- გენერალიზებული ეპილეფსია და ეპილეფსიური სინდრომები:
 - აბსანსური ეპილეფსია, იუვენილური მიოკლონური ეპილეფსია (Janz სინდრომი), ეპილეფსია გენერალიზებული ტონურ-კლონური კრუნჩხვებით გაღვიძების დროს, ფოტოსენსიბილიზებული ეპილეფსია.
- ლენოქს-გასტოს სინდრომი.
- სინდრომი *West*.
- ფოკალური (პარციალური) ეპილეფსიები და შეტევები მეორადი გენერალიზაციით ან მის გარეშე.

მანია – ეს არის მდგომარეობა, როდესაც თავს გრძნობთ ძალიან აღელვებულად, აღფრთოვანებულად, აგზნებულად, აჟიტირებულად ან ზეაქტიურად. მანია ვლინდება ისეთი დაავადების დროს, რომელსაც ეწოდება “ბიპოლარული აშლილობა”. დეპაკინი ქრონო 300 მგ-ის გამოყენება შეიძლება იმ შემთხვევაში, როდესაც არ არის შესაძლებელი ლითიუმის გამოყენება.

ბავშვებში: როგორც დამოუკიდებელი თერაპია ან სხვა ანტიეპილეფსიურ პრეპარატებთან კომბინაციაში:

გენერალიზებული ეპილეფსიის მკურნალობა: კლონური, ტონური, ტონურ-კლონური კრუნჩხვები, აბსანსები, მიოკლონური შეტევები, ატონური კრუნჩხვები; ლენოქს-გასტოს სინდრომი;

პარციალური ეპილეფსიის მკურნალობა: პარციალური შეტევები მეორადი გენერალიზებული კრუნჩხვებით ან მათ გარეშე.

2. რა უნდა იცოდეთ დეპაკინი ქრონო 300 მგ-ის მიღებამდე

არ მიიღოთ დეპაკინი ქრონო 300 მგ,

- თუ ხართ აღერგიული ნატრიუმის ვალპროატის (დეპაკინი ქრონო 300 მგ-ის აქტიური ნივთიერების) ან დეპაკინი ქრონო 300 მგ-ის რომელიმე სხვა კომპონენტის მიმართ
- თუ გაქვთ აქტიური ჰეპატიტი ან ღვიძლის აქტიური დაავადება
- თუ თქვენ (ან თქვენს ახლო ნათესავს) ანამნეზში აღგენიშნებათ მწვავე ჰეპატიტი, განსაკუთრებით ისეთი, რომელიც გამოწვეულია პრეპარატის მიღების შედეგად
- თუ გაწუხებთ ღვიძლის პორფირია (ძალიან იშვიათი მეტაბოლური დაავადება)
- თუ გაქვთ გენეტიკური დეფექტი, რომელიც იწვევს მიტოქონდრიულ დარღვევას (მაგალითად, ალპერს-ჰუტენლოჰერის სინდრომი)
- თუ გაქვთ მეტაბოლური დარღვევა, მაგალითად, შარდვის ციკლის დარღვევა.

ბიპოლარული აშლილობა

- ბიპოლარული აშლილობის დროს არ მიიღოთ დეპაკინი ქრონო 300 მგ, თუ ხართ ორსულად.
- ბიპოლარული აშლილობისას რეპროდუქციული ასაკის ქალმა არ უნდა მიიღოს დეპაკინი ქრონო 300 მგ, გარდა იმ შემთხვევებისა, თუ ის იყენებს ორსულობისგან დამცავ ეფექტურ მეთოდებს (კონტრაცეფციურ საშუალებებს) დეპაკინი ქრონო 300 მგ-ით მკურნალობის დროს. არ შეწყვიტოთ დეპაკინი ქრონო 300 მგ-ის ან კონტრაცეფციური საშუალებების მიღება თქვენს ექიმთან კონსულტაციის გარეშე. ექიმისგან თქვენ მიიღებთ დამატებით მითითებებს (იხ. პარაგრაფი “ორსულობა, ძუძუთი კვება და ფერტილობა - მნიშვნელოვანი რჩევა ქალებისთვის“).

ეპილეფსია

- ეპილეფსიის დროს არ მიიღოთ დეპაკინი ქრონო 300 მგ, თუ ხართ ორსულად, გარდა იმ შემთხვევებისა, როდესაც სხვა საშუალებები არაეფექტიანია.
- ეპილეფსიის დროს რეპროდუქციული ასაკის ქალმა არ უნდა მიიღოს დეპაკინი ქრონო 300 მგ, გარდა იმ შემთხვევებისა, თუ ის იყენებს ორსულობისგან დამცავ ეფექტურ მეთოდებს (კონტრაცეფციურ საშუალებებს) დეპაკინი ქრონო 300 მგ-ით მკურნალობის დროს. არ შეწყვიტოთ დეპაკინი ქრონო 300 მგ-ის ან კონტრაცეფციური საშუალებების მიღება თქვენს ექიმთან კონსულტაციის გარეშე. ექიმისგან თქვენ მიიღებთ დამატებით მითითებებს (იხ. პარაგრაფი “ორსულობა, ძუძუთი კვება და ფერტილობა - მნიშვნელოვანი რჩევა ქალებისთვის“).

თუ ფიქრობთ ან ეჭვობთ, რომ გაქვთ აღნიშნული პრობლემებიდან რომელიმე, მიმართეთ თქვენს ექიმს დეპაკინი ქრონო 300 მგ-ის მიღების წინ.

განსაკუთრებული ყურადღება მიაქციეთ დეპაკინი ქრონო 300 მგ-ის გამოყენებისას

- თუ თქვენ ან თქვენს ბავშვს მოულოდნელად განუვითარდა დაავადება, პირველი ექვსთვიანი მკურნალობისას და განსაკუთრებით, თუ ვლინდება მრავალჯერადი დებინება, ძლიერი დაღლილობა, მუცლის ტკივილი, ძილიანობა, სისუსტე, მადის დაკარგვა, ტკივილი კუჭის ზედა არეში, გულისრევა, სიყვითლე (კანისა და თვალის გუგების გაყვითლება), ფეხების შეშუპება ან ეპილეფსიის გამწვავება, ზოგადად ჯანმრთელობის გაუარესება, დაუძმონებლივ აცნობეთ თქვენს ექიმს. ძალიან მცირე რაოდენობის პაციენტებში დეპაკინი ქრონო 300 მგ-ს შეუძლია დააზიანოს ღვიძლი (იშვიათად პანკრეასი).
- თუ სამ წლამდე ასაკის ბავშვი დებულობს დეპაკინი ქრონო 300 მგ-ს ეპილეფსიის საწინააღმდეგო პრეპარატის პარალელურად ან თუ აღენიშნება სხვა ნევროლოგიური ან მეტაბოლური დაავადება და ეპილეფსიის მძიმე ფორმა,
- განსაკუთრებით, თუ ბავშვი სამ წლამდე ასაკისაა, დეპაკინი ქრონო 300 მგ არ უნდა იქნას მიღებული აცტილსალიცილის მუავასთან ერთად (ასპირინი),
- თუ გაქვთ სისტემური წითელი მგლურა (იშვიათი ფორმის დაავადება),
- თუ გაწუხებთ მეტაბოლური დარღვევები, განსაკუთრებით მემკვიდრეობითი ფერმენტის დეფიციტი, ასევე შარდვის ციკლის დარღვევა, სისხლში აზოტის შემცველობის ზრდის საშიშროების გამო,
- თუ გაქვთ თირკმლის დარღვეული ფუნქცია. თქვენმა ექიმმა შეიძლება დაიწყოს ვალპროატის შემცველობის დონეზე დაკვირვება ან შეცვალოს დოზა,
- თუ მოიმატეთ წონაში მადის გაზრდის გამო,
- ძალიან ცოტა ადამიანს, რომლებიც მკურნალობენ ეპილეფსიის საწინააღმდეგო პრეპარატებით, როგორცაა ნატრიუმის ვალპროატი, აღენიშნათ თვითდაზიანების ან თვითმკვლელობის აზრები. თუ გაგიჩნდებათ ასეთი აზრები, დაუყოვნებლივ მიმართეთ თქვენს ექიმს,
- თუ გაქვთ ფერმენტ კარნიტინი პალმიტოილ ტრანსფერაზას II ტიპის უკმარისობა,
- თუ თქვენთვის ცნობილია, რომ ოჯახში არის გენეტიკური დეფექტი, რომელიც იწვევს მიტოქონდრიულ დარღვევას,
- როგორც სხვა ეპილეფსიის საწინააღმდეგო პრეპარატების შემთხვევაში, ამ პრეპარატის მიღებისას შეიძლება ადგილი ჰქონდეს კრუნჩხვის შეტევების დამძიმებას ან გახშირებას. ამ შემთხვევაში დაუყოვნებლივ მიმართეთ თქვენს ექიმს.

ბავშვები და მოზარდები

ბავშვები და 18 წლამდე ასაკის მოზარდები:

დეპაკინი ქრონო 300 მგ არ გამოიყენება ბავშვებსა და 18 წლამდე ასაკის მოზარდებში მანიის სამკურნალოდ.

დეპაკინი ქრონო 300 მგ-ის მიღება საკვებთან, სასმელთან და ალკოჰოლთან ერთად აღნიშნული პრეპარატით მკურნალობის დროს ალკოჰოლის მიღება რეკომენდებული არ არის.

სხვა პრეპარატები და დეპაკინი ქრონო 300 მგ

აცნობეთ თქვენს ექიმს ან ფარმაცევტს, თუ ღებულობთ, ახლო წარსულში ღებულობდით ან შეიძლება მიიღოთ სხვა პრეპარატები, ურეცეპტოდ გაცემული პრეპარატების ჩათვლით.

ზოგიერთმა სხვა პრეპარატმა შეიძლება გავლენა მოახდინოს დეპაკინი ქრონო 300 მგ-ის მოქმედებაზე, ან პირიქით. აღნიშნულ პრეპარატებს მიეკუთვნება:

- ნეიროლეგისური საშუალებები (გამოიყენება ფსიქიკური აშლილობების სამკურნალოდ),
- დეპრესიის სამკურნალო პრეპარატები,
- ბენზოდიაზეპინები, გამოიყენება საძილე საშუალების სახით და შფოთვის სამკურნალოდ,
- კვეტიაპინი, ოლანზაპინი (გამოიყენება ფსიქიკური დარღვევების სამკურნალოდ),
- სხვა პრეპარატები, რომლებიც გამოიყენება ეპილეფსიის სამკურნალოდ, მათ შორის ფენობარბიტალი, ფენიტონი, პრიმიდონი, ლამოტრიჟინი, კარბამაზეპინი, ტოპირამატი, ფალბამატი
- ზიდოვუდინი (გამოიყენება აივ-ინფექციის და შიდსის სამკურნალოდ),
- მეფლოქვინი (გამოიყენება მალარიის სამკურნალოდ და პროფილაქტიკისთვის),
- სალიცილატები (ასპირინი); იხილეთ პუნქტი: 3 წლამდე ასაკის ბავშვები პარაგრავში “დეპაკინი ქრონო 300 მგ-ის მიღების წინ”),
- ანტოკოაგულანტები (გამოიყენება სისხლის კოაგულაციის წარმოქმნის პროფილაქტიკისთვის),
- ციმეტიდინი (გამოიყენება კუჭის წყლულის სამკურნალოდ),
- ერთორმიცინი, რიფამპიცილინი,
- კარბაპენემის ნივთიერებები, როგორცაა იმიპენემი, პანიპენემი და მეროპენემი (ანტიბიოტიკები, ბაქტერიული ინფექციების სამკურნალოდ). საჭიროა ვალპროის მუავისა და კარბაპენემის ერთდროული მიღების თავიდან აცილება ნატრიუმის ვალპროატის ეფექტის დაქვეითების გამო,
- რუფინამიდი,
- აცეტაზოლამიდი,

- პროტეაზის ინჰიბიტორები, როგორცაა ლოპინავირი, რიტონავირი (შიდსის ვირუსის სამკურნალოდ),
- ქოლესტირამინი,
- პროპოფოლი (გამოიყენება ანესთეზიისთვის),
- ნიმოდიპინი,
- ესტროგენის შემცველი პრეპარატები (ზოგიერთი ჩასახვის საწინააღმდეგო ტაბლეტის ჩათვლით).

აღნიშნულმა პრეპარატებმა, ისევე, როგორც ზოგიერთმა სხვა პრეპარატმა, შესაძლებელია გავლენა იქონიოს დეპაკინი ქრონო 300 მგ-ზე ან დეპაკინი ქრონო 300 მგ-ს შეუძლია გავლენა მოახდინოს მათზე. ამ შემთხვევაში შეიძლება დაგჭირდეთ თქვენი პრეპარატის დოზის შეცვლა ან სხვა პრეპარატების მიღება. აღნიშნულ საკითხზე რჩევას მიიღებთ თქვენი ექიმისგან ან ფარმაცევტისგან.

მიმართეთ თქვენს ექიმს ან ფარმაცევტს დეტალური ინფორმაციის მისაღებად იმ პრეპარატებთან დაკავშირებით, რომლებიც სიფრთხილით გამოიყენება დეპაკინი ქრონო 300 მგ-ით მკურნალობის პერიოდში ან არ გამოიყენება მასთან კომბინაციაში.

ორსულობა, ძუძუთი კვება და ფერტილობა

მნიშვნელოვანი ინფორმაცია ქალებისთვის

ბიპოლარული აშლილობა

- ბიპოლარული აშლილობის დროს არ მიიღოთ დეპაკინი ქრონო 300 მგ, თუ ხართ ორსულად.
- ბიპოლარული აშლილობისას რეპროდუქციული ასაკის ქალმა არ უნდა მიიღოს დეპაკინი ქრონო 300 მგ, გარდა იმ შემთხვევებისა, თუ ის იყენებს ორსულობისგან დამცავ ეფექტურ მეთოდებს (კონტრაცეფციურ საშუალებებს) დეპაკინი ქრონო 300 მგ-ით მკურნალობის დროს. არ შეწყვიტოთ დეპაკინი ქრონო 300 მგ-ის ან კონტრაცეფციური საშუალებების მიღება თქვენს ექიმთან კონსულტაციის გარეშე. ექიმისგან მიიღებთ დამატებით მითითებებს.

ეპილეფსია

- ეპილეფსიის დროს არ მიიღოთ დეპაკინი ქრონო 300 მგ, თუ ხართ ორსულად, გარდა იმ შემთხვევებისა, როდესაც სხვა საშუალებები არაეფექტურია.
- ეპილეფსიის დროს რეპროდუქციული ასაკის ქალმა არ უნდა მიიღოს დეპაკინი ქრონო 300 მგ, გარდა იმ შემთხვევებისა, თუ ის იყენებს ორსულობისგან დამცავ ეფექტურ მეთოდებს (კონტრაცეფციურ საშუალებებს) დეპაკინი ქრონო 300 მგ-ით მკურნალობის დროს. არ შეწყვიტოთ დეპაკინი ქრონო 300 მგ-ის ან

კონტრაცეფციური საშუალებების მიღება თქვენს ექიმთან კონსულტაციის გარეშე. ექიმისგან მიიღებთ დამატებით მითითებებს.

ვალპროატის რისკი მისი მიღებისას ორსულობის პერიოდში (მიუხედავად იმ დაავადებისა, რომლის სამკურნალოდაც გამოიყენება ვალპროატი)

- დაუყოვლელივ მიმართეთ თქვენს ექიმს, თუ გეგმავთ ორსულობას ან ხართ ორსულად.
- ორსულის მიერ ვალპროატის მიღება დიდი რისკია. დოზის მატებასთან ერთად იზრდება რისკიც, მაგრამ ვალპროატის გამოყენება ნებისმიერი დოზით რისკის შემცველია.
- აღნიშნული პრეპარატის მიღებამ შესაძლოა გამოიწვიოს სერიოზული თანდაყოლილი დეფექტები და მოახდინოს გავლენა ბავშვის ზრდა-განვითარებაზე.
- შეტყობინებული თანდაყოლილი დეფექტები მოიცავს: *ბიფიდის ზურგი* (როდესაც ხერხემლის სვეტის ძვლები არასწორად ვითარდება); სახის და თავის ქალის დარღვევები; დეფექტები გულის, თირკმელების მხრივ, საშარდე გზების და სასქესო ორგანოების დარღვევები; კიდურების დეფექტები. ბავშვებში, რომლებიც ორსულობის დროს განიცდიდნენ ვალპროატის ზემოქმედებას, რეგისტრირებულია სმენასთან და სიყრუესთან დაკავშირებული პრობლემები.
- თუ დებულობთ ვალპროატს ორსულობის პერიოდში, სხვა ქალებთან შედარებით, წარმოადგენთ უფრო მაღალი რისკის ჯგუფს, რომ თქვენს შვილს შესაძლოა ჰქონდეს თანდაყოლილი დარღვევები, რომლებიც საჭიროებს სამედიცინო მკურნალობას. ვინაიდან ვალპროატი გამოიყენება უკვე დიდი ხნის მანძილზე, ცნობილია, რომ 100-დან 10 ბავშვს, რომელთა დედები დებულობდნენ ვალპროატს, ჰქონდა თანდაყოლილი დეფექტი. იმ ქალების შემთხვევაში, რომლებსაც არ ჰქონიათ ეპილეფსია, დარღვევა აღინიშნებოდა 100-დან 2-3 ბავშვში.
- ითვლება, რომ სკოლამდელი ასაკის ბავშვების 30-40%-ს, რომელთა დედები დებულობდნენ ვალპროატს ორსულობის დროს, შესაძლოა ჰქონდეთ განვითარების პრობლემები ადრეულ ასაკში. ამ ბავშვებმა შესაძლებელია გვიან ან ნელა დაიწყონ სიარული და ლაპარაკი, იყვნენ გონებრივად ჩამორჩენილები სხვა ბავშვებთან შედარებით, აღენიშნოთ საუბრის და მეხსიერების პრობლემები.
- აუტისტური აშლილობები ხშირად დიაგნოსტირდება იმ ბავშვებში, რომლებზეც გავლენა იქონია ვალპროატის მიღებამ, და არსებობს მტკიცებულებები, რომ ასეთ ბავშვებში არსებობს ყურადღების დეფიციტის სიმპტომების და ჰიპერაქტიურობის განვითარების ალბათობა.

- აღნიშნული პრეპარატის გამოწერამდე, ექიმი უნდა აგისხნათ, თუ რა შეიძლება დაემართოს თქვენს ბავშვს, თუ დაორსულდებით ვალპროატით მკურნალობის დროს. მაგრამ, თუ მოგვიანებით გადაწყვეტთ, რომ მაინც გსურთ იყოლიოთ ბავშვი, არ უნდა შეწყვიტოთ ამ პრეპარატის და კონტრაცეფციური საშუალების მიღება, სანამ არ მიმართავთ ექიმს კონსულტაციისთვის.
- თუ ხართ მშობელი ან უვლით გოგონას, რომელიც იღებს ვალპროატს, მიმართეთ ექიმს, თუ გოგონას, რომელიც იღებს ვალპროატს, ექნება პირველი მენსტრუაცია (მენარქე).
- ზოგიერთ ჩასახვის საწინააღმდეგო ტაბლეტს (ესტროგენის შემცველ ჩასახვის საწინააღმდეგო ტაბლეტს) შეუძლია დააქვეითოს სისხლში ვალპროატის დონე. დარწმუნდით, რომ განიხილეთ თქვენს ექიმთან თქვენთვის საუკეთესო კონტრაცეფციური საშუალების საკითხი (ორსულობის კონტროლი).
- როდესაც გადაწყვეტთ ორსულობას, კონსულტაციისთვის მიმართეთ თქვენს ექიმს ფოლიუმის მჟავას მიღებასთან დაკავშირებით. ფოლიუმის მჟავამ შეიძლება შეამციროს *ბიფიდის ზურვის* და აბორტის რისკი ორსულობის ადრეულ ეტაპზე, რომელიც არსებობს ნებისმიერი ორსულობის დროს. თუმცა, ნაკლებად სავარაუდოა, რომ ეს შეამცირებს ვალპროატის გამოყენებასთან დაკავშირებულ თანდაყოლილი დეფექტების რისკს.

გთხოვთ, გაეცანით ქვემოთ მითითებულ სიტუაციებს და აირჩიეთ სიტუაციები, რომლებიც თქვენ გეხებათ:

- ვიწყებ მკურნალობას დეპაკინი ქრონო 300 მგ-ით
- ვიღებ დეპაკინი ქრონო 300 მგ-ს და არ ვზებმავ დაორსულებას
- ვიღებ დეპაკინი ქრონო 300 მგ-ს და ვზებმავ დაორსულებას
- ვარ ორსულად და ვიღებ დეპაკინი ქრონო 300 მგ-ს

ვიწყებ მკურნალობას დეპაკინი ქრონო 300 მგ-ით

თუ ეს არის პირველი შემთხვევა, როდესაც დაგენიშნათ დეპაკინი ქრონო 300 მგ, თქვენი ექიმი აგისხნით ნაყოფის მიმართ არსებულ რისკებს, თუ დაორსულდებით. თუ შვილსნობის ასაკში იმყოფებით, უნდა დარწმუნდეთ, რომ მკურნალობის პერიოდში იყენებთ კონტრაცეფციის ეფექტურ მეთოდებს დეპაკინი ქრონო 300 მგ-ით მკურნალობის შეწყვეტის გარეშე. თუ გჭირდებათ რჩევა კონტრაცეფტივთან დაკავშირებით, მიმართეთ ექიმს ან ოჯახის დაგეგმარების კლინიკას.

ძირითადი რჩევები:

- დეპაკინი ქრონო 300 მგ-ით მკურნალობის დაწყებამდე უნდა გამოირიცხოს ორსულობა, ორსულობის ტესტის ჩატარებით, რომელსაც დაადასტურებს თქვენი ექიმი.
- თქვენ უნდა გამოიყენოთ კონტრაცეფციის ეფექტური მეთოდი დეპაკინი ქრონო 300 მგ-ით მკურნალობის დროს.
- კონტრაცეფციურ საშუალებებთან დაკავშირებით კონსულტაციისთვის მიმართეთ ექიმს. თქვენი ექიმი მოგაწოდებთ ინფორმაციას ორსულობისგან დაცვის შესახებ და მოგცემთ მიმართულებას სპეციალისტთან ორსულობისგან დაცვის საკითხებში.
- რეგულარულად (სულ მცირე წელიწადში ერთხელ) დაგეგმეთ ვიზიტი ბიპოლარული აშლილობების ან ეპილეფსიის მკურნალობის გამოცდილების მქონე სპეციალისტთან. ამ ვიზიტის დროს, თქვენი ექიმი გაგაცნობთ რისკებსა და რჩევებს ორსულობის დროს ვალპროატის გამოყენებასთან დაკავშირებით.
- აცნობეთ თქვენს ექიმს, თუ გეგმავთ დაორსულებას.
- დაუყოვნებლივ აცნობეთ თქვენს ექიმს, თუ ხართ ორსულად ან ფიქრობთ, რომ ხართ ორსულად.

ვიღებ დეპაკინი ქრონო 300 მგ-ს და არ ვგეგმავ დაორსულებას

თუ აგრძელებთ დეპაკინი ქრონო 300 მგ-ით მკურნალობას და არ გეგმავთ დაორსულებას, უნდა დარწმუნდეთ, რომ იყენებთ კონტრაცეფციის ეფექტურ მეთოდებს დეპაკინი ქრონო 300 მგ-ით მკურნალობის შეწყვეტის გარეშე. თუ გჭირდებათ რჩევა კონტრაცეფტივთან დაკავშირებით, მიმართეთ ექიმს ან ოჯახის დაგეგმარების კლინიკას.

ძირითადი რჩევები:

- უნდა გამოიყენოთ კონტრაცეფციის ეფექტური მეთოდი დეპაკინი ქრონო 300 მგ-ით მკურნალობის დროს.
- კონტრაცეფციურ საშუალებებთან დაკავშირებით კონსულტაციისთვის მიმართეთ ექიმს. თქვენი ექიმი მოგაწოდებთ ინფორმაციას ორსულობისგან დაცვის შესახებ და მოგცემთ მიმართულებას სპეციალისტთან ორსულობისგან დაცვის საკითხებში.
- რეგულარულად (სულ მცირე წელიწადში ერთხელ) დაგეგმეთ ვიზიტი ბიპოლარული აშლილობების ან ეპილეფსიის მკურნალობის გამოცდილების მქონე სპეციალისტთან. ამ ვიზიტის დროს, თქვენი ექიმი გაგაცნობთ რისკებსა და რჩევებს ორსულობის დროს ვალპროატის გამოყენებასთან დაკავშირებით.
- აცნობეთ თქვენს ექიმს, თუ გეგმავთ დაორსულებას.
- დაუყოვნებლივ აცნობეთ თქვენს ექიმს, თუ ხართ ორსულად ან ფიქრობთ, რომ ხართ ორსულად.

ვიდეო დეპაკინი ქრონო 300 მგ-ს და ვებგამავ დაორსულებას

თუ გეგმავთ დაორსულებას, კონსულტაციისთვის მიმართეთ თქვენს ექიმს.

არ შეწყვიტოთ დეპაკინი ქრონო 300 მგ-ის ან კონტრაცეფციური საშუალებების მიღება თქვენს ექიმთან კონსულტაციის გარეშე. ექიმისგან მიიღებთ დამატებით მითითებებს.

იმ ბავშვებთან დაკავშირებით, რომელთა დედები იღებდნენ ვალპროატს, არსებობს თანდაყოლილი დეფექტების და განვითარების პრობლემების რისკი, რომელმაც შესაძლოა მიგვიყვანოს სერიოზულ ინვალიდობამდე. ექიმი მოგცემთ მიმართულებას ბიპოლარული აშლილობების ან ეპილეფსიის მკურნალობის გამოცდილების მქონე სპეციალისტთან, რათა ადრეულ ეტაპზე იქნას შეფასებული ალტერნატიული მკურნალობა. თქვენი ექიმი მიიღებს გარკვეულ ზომებს, რათა თქვენი ორსულობა განვითარდეს რამდენადაც შეიძლება მშვიდად და მაქსიმალურად მცირე რისკი მიაღგეს ნაყოფს.

თქვენს ექიმს შეუძლია მიიღოს გადაწყვეტილება პრეპარატ დეპაკინი ქრონო 300 მგ-ის დოზის შეცვლის, სხვა პრეპარატებით მკურნალობის კურსის შეცვლის ან პრეპარატ დეპაკინი ქრონო 300 მგ-ით მკურნალობის შეწყვეტის შესახებ თქვენს დაორსულებამდე დიდი ხნით ადრე - რათა დარწმუნდეს, რომ თქვენი დაავადება სტაბილიზებულია.

როდესაც გადაწყვეტთ ორსულობას, კონსულტაციისთვის მიმართეთ თქვენს ექიმს ფოლიუმის მჟავას მიღებასთან დაკავშირებით. ფოლიუმის მჟავამ შეიძლება შეამციროს *ბიფიდის ზურვის* და აბორტის რისკი ორსულობის ადრეულ ეტაპზე, რომელიც არსებობს ნებისმიერი ორსულობის დროს. თუმცა, ნაკლებად სავარაუდოა, რომ ეს შეამცირებს ვალპროატის გამოყენებასთან დაკავშირებულ თანდაყოლილი დეფექტების რისკს.

ძირითადი რჩევები:

- არ შეწყვიტოთ დეპაკინი ქრონო 300 მგ-ის მიღება ექიმთან კონსულტაციის გარეშე.
- არ შეწყვიტოთ კონტრაცეფციური საშუალებების მიღება ექიმთან კონსულტაციის გარეშე და ერთად დაიცავით გეგმა, რათა დარწმუნდეთ, რომ თქვენი მდგომარეობა კონტროლის ქვეშაა და თქვენი ბავშვის მიმართ არსებული რისკები შემცირებულია.
- პირველ რიგში დაგეგმეთ ვიზიტი ექიმთან. ამ ვიზიტის დროს, თქვენი ექიმი გაგაცნობთ რისკებსა და რჩევებს ორსულობის დროს ვალპროატის გამოყენებასთან დაკავშირებით.
- თქვენი ექიმი შეეცდება შეცვალოს თქვენი მკურნალობა სხვა სამკურნალო საშუალებით ან შეწყვიტოს მკურნალობა პრეპარატ დეპაკინი ქრონო 300 მგ-ით თქვენს დაორსულებამდე დიდი ხნით ადრე.

- დაუყოვნებლივ მიმართეთ თქვენს ექიმს, თუ ხართ ორსულად ან ფიქრობთ, რომ ხართ ორსულად.

ვარ ორსულად და ვიღუბ დეპაკინი ქრონო 300 მგ-ს

არ შეწყვიტოთ დეპაკინი ქრონო 300 მგ-ის მიღება ექიმის მითითების გარეშე, რადგან თქვენი მდგომარეობა შეიძლება გაუარესდეს. დაუყოვნებლივ მიმართეთ ექიმს, თუ ხართ ორსულად ან ფიქრობთ, რომ ხართ ორსულად. ექიმისგან მიიღებთ დამატებით მითითებებს.

იმ ბავშვებთან დაკავშირებით, რომელთა დედები იღებდნენ ვალპროატს, არსებობს თანდაყოლილი დეფექტების და განვითარების პრობლემების რისკი, რომელმაც შესაძლოა მიგვიყვანოს სერიოზულ ინვალიდობამდე.

თქვენ მოგეცემათ მიმართულება ბიპოლარული აშლილობების ან ეპილეფსიის მკურნალობის გამოცდილების მქონე სპეციალისტთან, რათა შეფასებული იქნას ალტერნატიული მკურნალობა.

გამონაკლის შემთხვევებში, როდესაც დეპაკინი ქრონო 300 მგ წარმოადგენს ორსულობის პერიოდში მკურნალობის ერთადერთ ხელმისაწვდომ ვარიანტს, თქვენ ჩაგიტარდებათ უფრო გულდასმითი დაკვირვება როგორც ძირითადი დაავადების, ასევე თქვენი ბავშვის განვითარების თვალსაზრისით. თქვენ და თქვენი პარტნიორი მიიღებთ კონსულტაციას და დახმარებას ვალპროატის ზემოქმედებით მიმდინარე ორსულობასთან დაკავშირებით.

კონსულტაციისთვის მიმართეთ თქვენს ექიმს ფოლიუმის მჟავას მიღებასთან დაკავშირებით. ფოლიუმის მჟავამ შეიძლება შეამციროს *ბიფიდის ზურვის* და აბორტის რისკი ორსულობის ადრეულ ეტაპზე, რომელიც არსებობს ნებისმიერი ორსულობის დროს. თუმცა, ნაკლებად სავარაუდოა, რომ ეს შეამცირებს ვალპროატის გამოყენებასთან დაკავშირებულ თანდაყოლილი დეფექტების რისკს.

ძირითადი რჩევები:

- დაგეგმეთ სასწრაფო ვიზიტი თქვენს ექიმთან, თუ ხართ ორსულად ან ფიქრობთ, რომ ხართ ორსულად.
- არ შეწყვიტოთ დეპაკინი ქრონო 300 მგ-ის მიღება ექიმის მითითების გარეშე.
- დარწმუნდით, რომ მოგეცათ მიმართულება ეპილეფსიის, ბიპოლარული აშლილობების მკურნალობის გამოცდილების მქონე სპეციალისტთან, რათა შეფასებული იქნას ალტერნატიული მკურნალობის აუცილებლობა.
- უნდა მიიღოთ დეტალური კონსულტაცია ორსულობის პერიოდში პრეპარატ დეპაკინი ქრონო 300 მგ-თან დაკავშირებული რისკების შესახებ, მათ შორის ტერატოგენულობის და ბავშვებში განვითარებაზე გავლენის შესახებ.

– დარწმუნდით, რომ მოგეცათ მიმართულება პრენატალური დიაგნოსტიკის სპეციალისტთან, რათა გამოვლენილი იქნას შესაძლო დეფექტების შემთხვევები.

დარწმუნდით, რომ გაეცანით ინსტრუქციას პაციენტისთვის, რომელიც მიიღეთ თქვენი ექიმისგან. თქვენი ექიმი განიხილავს თქვენთან რისკის დადასტურების ყოველწლიურ ფორმას და მოგთხოვთ ხელი მოაწეროთ და შეინახოთ ის. ასევე, მიიღებთ პაციენტის ბარათს თქვენი ფარმაცევტისგან, რომელიც შეგახსენებთ ორსულობის პერიოდში ვალპროატთან დაკავშირებული რისკების შესახებ.

ეს პრეპარატი არ უნდა მიიღოთ, თუ ხართ ორსულად ან იმყოფებით შვილოსნობის ასაკში, იმ შემთხვევების გარდა, თუ ექიმი გაგიწევთ რეკომენდაციას. თუ ხართ შვილოსნობის ასაკში, უნდა გამოიყენოთ ეფექტური კონტრაცეფცია მკურნალობის დროს.

ინფორმაცია ქალებისთვის, რომლებიც შესაძლოა დაორსულდნენ

დაუგეგმავი ორსულობა არასასურველია ქალებისთვის, რომლებიც მკურნალობენ დეპაკინი ქრონო 300 მგ-ით.

უნდა გამოიყენოთ კონტრაცეფციის ეფექტური საშუალებები და მიმართოთ ექიმს კონსულტაციისთვის ორსულობის დაგეგმვამდე.

დეპაკინი ქრონო 300 მგ არ მოქმედებს პერორალური ჩასახვის საწინააღმდეგო ტაბლეტების ეფექტურობაზე.

მნიშვნელოვანია, რომ შეათანხმოთ ორსულობა და ეპილეფსია თქვენს ექიმთან, და თუ გყავთ - ეპილეფსიის სპეციალისტთან. აღნიშნული უზრუნველყოფს იმის გარანტიას, რომ თქვენ და თქვენი ექიმი თანახმა ხართ მიიღოთ დეპაკინი ქრონო 300 მგ ორსულობის პერიოდში.

ბავშვებს, რომლებიც იბადებიან იმ დედებისგან, რომლებიც მკურნალობდნენ დეპაკინი ქრონო 300 მგ-ით, უფრო მაღალია დარღვევების რისკი. შესაბამისი მიდგომის შემთხვევაში, აღნიშნული მოვლენები შეიძლება შემცირდეს.

დეპაკინი ქრონო 300 მგ-ს შეუძლია გაზარდოს ბავშვის განვითარებაზე თანდაყოლილი დარღვევების რისკი მაგალითად, ბიფიდის ზურგი (მდგომარეობა, როდესაც ხერხემლის ძვალი არასწორად ვითარდება), თავის ქალის და სახის დეფექტები, კიდურების მალფორმაციები, გულ-სისხლძარღვთა მალფორმაციები, ჰიპოსპადია (ურეთრიტის მალფორმაცია) და მრავალი ანომალიები, სხეულის სხვადასხვა სისტემაში.

საშვილოსნოში ნაყოფის დარღვევები შესაძლოა გამოვლინდეს ორსულობის პირველ ნაწილში, ჩვეულებრივი გამოკვლევების დროს.

ბავშვებს, რომლებიც იბადებიან იმ დედებისგან, რომლებიც ორსულობის პერიოდში მკურნალობდნენ დეპაკინი ქრონო 300 მგ-ით, შესაძლებელია აღენიშნოთ განვითარების დარღვევა და აუტისტური დარღვევები.

დაუყოვნებლივ აცნობეთ თქვენს ექიმს, თუ დაორსულდით ან ფიქრობთ, რომ დაორსულდით, დეპაკინი ქრონო 300 მგ-ით მკურნალობის პერიოდში ან ამ პრეპარატის დანიშვნამდე. თქვენმა ექიმმა შეიძლება დაარეგულიროს მკურნალობა ან/და დაგინიშნოთ ფოლიუმის მჟავის დამატებით მიღება.

არ უნდა შეაჩეროთ დეპაკინი ქრონო 300 მგ-ის მიღება, გარდა იმ შემთხვევისა, თუ თქვენი ექიმი შეგიწყვეტთ მას, რადგანაც თქვენ და თქვენი ბავშვი იმყოფებით განუკურნებელი ეპილეფსიის განვითარების სერიოზული რისკის ჯგუფში.

ახალშობილებს, რომელთა დედები ორსულობის პერიოდში მკურნალობდნენ დეპაკინი ქრონო 300 მგ-ით, შესაძლებელია აღენიშნოთ პრობლემები სისხლის შედეგებასთან, ჰიპოგლიკემიასთან (სისხლში შაქრის შემცველობის დაწევა) და ჰიპოთირეოზთან (ფარისებრი ჯირკვლის დაქვეითებული ფუნქცია, რაც იწვევს დაღლილობას და წონის მატებას) დაკავშირებით.

მოსხნის სინდრომი (შფოთვა, გაღიზიანება, ზედმეტად გაღიზიანება, კანკალი, ჰიპერკინეზია, ტონუსის დარღვევა, ტრემორი, კრუნჩხვები და კვების დარღვევა) შესაძლებელია აღენიშნოთ იმ ახალშობილებს, რომელთა დედები დებულობდნენ ვალპროატს ორსულობის ბოლო ტრიმესტრში.

ინფორმაცია ქალებისთვის, რომლებიც გეგმავენ დაორსულებას (იხილეთ ინფორმაცია ქალებისთვის, რომლებიც შესაძლოა დაორსულდნენ)

დაუბეგმავი ორსულობა არასასურველია იმ ქალებისთვის, რომლებიც მკურნალობენ ეპილეფსიის საწინააღმდეგი პრეპარატებით. მიმართეთ თქვენს ექიმს ორსულობის დაგეგმვამდე სათანადო კონსულტაციის მისაღებად და მიეცით საშუალება თქვენს ექიმს დაარეგულიროს თქვენი მკურნალობა და პრეპარატის დოზა და ადეკვატურად ადვენოს თვალყური თქვენს ორსულობას.

როგორც კი შეიტყობთ ორსულობის შესახებ, დაუყოვნებლივ აცნობეთ თქვენს ექიმს.

ინფორმაცია ქალებისთვის, რომლებიც დაორსულდნენ დეპაკინი ქრონო 300 მგ-ის მიღების პერიოდში (იხილეთ ინფორმაცია ქალებისთვის, რომლებიც შესაძლოა დაორსულდნენ).

თუ დაორსულდით დეპაკინი ქრონო 300 მგ-ის მიღების პერიოდში, დაუყოვნებლივ აცნობეთ აღნიშნულის შესახებ თქვენს ექიმს.

ძუძუთი კვება

ვინაიდან დეპაკინი ქრონო 300 მგ ძალიან მცირე რაოდენობით გადადის დედის რძეში, ზოგადად ის არ წარმოადგენს საფრთხეს ბავშვისთვის და არ უნდა შეწყვიტოთ ბავშვის კვება. მაგრამ სასურველია შეათანხმოთ თქვენს ექიმთან, შეგიძლიათ თუ არა ბავშვის კვება.

ავტომობილის მართვა და მექანიზმებთან მუშაობა

ზოგ შემთხვევაში დეპაკინი ქრონო 300 მგ-ს შეუძლია გამოიწვიოს ძილიანობა და თავბრუსხვევა, განსაკუთრებით მკურნალობის დასაწყისში ან ეპილეფსიის საწინააღმდეგო პრეპარატებთან ან ბენზოდიაზეპინებთან ერთად მიღების შემთხვევაში. შეამოწმეთ თქვენი რეაქცია დეპაკინი ქრონო 300 მგ-ის მიმართ ავტომობილის მართვისა და მექანიზმებთან მუშაობისას ან სხვა საქმიანობის შესრულებისას, რა შემთხვევაშიც შესაძლებელია გამოვლინდეს ძილიანობა ან თავბრუსხვევა.

3. დეპაკინი ქრონო 300 მგ-ის მიღების წესი

დეპაკინი ქრონო 300 მგ-ით მკურნალობა იწყება და გრძელდება ეპილეფსიის ან ბიპოლარული აშლილობის მკურნალობის გამოცდილების მქონე ექიმის მეთვალყურეობის ქვეშ.

რეგულარულად უნდა გაიაროთ საკონტროლო შემოწმება. აღნიშნული დაგჭირდებათ დოზირების შესაცვლელად.

დეპაკინი ქრონო 300 მგ ყოველთვის უნდა მიიღოთ მხოლოდ თქვენი ექიმის დანიშნულების ზუსტად დაცვით. თუ არ ხართ დარწმუნებული, კონსულტაციისთვის მიმართეთ თქვენს ექიმს ან ფარმაცევტს.

დოზირება

ზოგადად საწყისი დოზა შეადგენს 10-15 მგ/კგ დღეში, რაც წარმოადგენს 2-5 ტაბლეტს (300 მგ) ან 1-3 ტაბლეტს (500 მგ) პაციენტების უმრავლესობისთვის (60-100კგ). დოზა უნდა იქნას ტიტრირებული ოპტიმალურ დონემდე და განაწილდეს 1-2 მიღებად დღეში.

მოზრდილებში სანდარტული დოზა მერყეობს 20-30 მგ/კგ-ს შორის ყოველდღიურად, რაც წარმოადგენს 4-10 ტაბლეტს (300 მგ) ან 2-6 ტაბლეტს (500 მგ) იმ შემთხვევაში, თუ პაციენტის წონა შეადგენს 60-100კგ-ს. იმ შემთხვევაში, თუ ამ დოზით არ ხდება შეტევების კონტროლი, დოზა შეიძლება გაიზარდოს. პაციენტი უნდა იყოს მეთვალყურეობის ქვეშ, როცა ღებულობს 50 მგ/კგ-ზე მეტ დღიურ დოზას.

ბავშვებისთვის ყველაზე ხშირი დოზირება შეადგენს დაახლოებით 30 მგ/კგ-ს ყოველდღიურად.

დეპაკინი ქრონო 300 მგ-ით მკურნალობა იწყება და გრძელდება ეპილევსიის ან ბიპოლარული აშლილობების სპეციალისტის მეთვალყურეობის ქვეშ.

ბავშვები

ეპილევსია

პერორალური სამკურნალო წამლო ფორმებიდან 11 წლამდე ასაკის ბავშვებისთვის მისაღებია შემდეგი ფორმები (სიროფი, პერორალური ხსნარი და გრანულები).

მანია

დღიური დოზა ინდივიდუალურად განისაზღვრება და კონტროლდება თქვენი ექიმის მიერ.

საწყისი დოზა

რეკომენდებული საწყისი დღიური დოზა შეადგენს 750 მგ-ს.

საშუალო დღიური დოზა

რეკომენდებული დღიური დოზა შეადგენს 1000-2000 მგ-ს.

ბავშვები და მოზარდები

დეპაკინი ქრონო 300 მგ-ის უსაფრთხოება და ეფექტურობა მანიის ეპიზოდების მკურნალობისას ბიპოლარული აშლილობის დროს 18 წლამდე ასაკის მოზარდებში შეფასებული არ არის.

პრეპარატის მიღების წესი

- ტაბლეტები მიიღება პერორალურად.
- ტაბლეტების გაყოფა შეიძლება, თუმცა არ შეიძლება დაღეჭვა ან დაფშვნა.
- ტაბლეტების გაყოფის დროს ტაბლეტის ნაწილის შენახვა შეიძლება თავსახურის პატარა კონტეინერში;
- ტაბლეტები მიიღება ერთხელ ან 2 ჯერ დღეში, სასურველია ჭამის დროს.
- არ გატეხოთ ტაბლეტები, თუ მას არ გააჩნია გამყოფი ხაზი.

მკურნალობის ხანგრძლივობა

დაიცავით დანიშნული დოზირება და მკურნალობის ხანგრძლივობა და არ შეწყვიტოთ მკურნალობა ექიმთან კონსულტაციის გარეშე.

თუ მიიღეთ დეპაკინი ქრონო 300 მგ-ის საჭიროზე მეტი დოზა

დეპაკინი ქრონო 300 მგ-ის დოზის გადაჭარბება შეიძლება იყოს საშიში. დაუყოვნებლივ მიმართეთ თქვენს ექიმს ან უახლოეს სასწრაფო სამედიცინო დახმარებას.

საავადმყოფოს პირობებში მისაღები ზომები: კუჭის ამორეცხვა, ეფექტური დიურეზის შენარჩუნება, გულის და სასუნთქი ორგანოების ფუნქციების კონტროლი. თუ საჭიროა, მძიმე შემთხვევებში ტარდება დიალიზი.

თუ გამოტოვებთ დეპაკინი ქრონო 300 მგ-ის დოზის მიღება

არ მიიღოთ ორმაგი დოზა გამოტოვებული დოზის ასანახადაურებლად. გააგრძელეთ პრეპარატის მიღება თქვენი ექიმის დანიშნულებით.

თუ გამოტოვებთ პრეპარატის რამდენიმე დოზას, დაუყოვნებლივ მიმართეთ თქვენს ექიმს.

ფუქტები დეპაკინი ქრონო 300 მგ-ით მკურნალობის შეწყვეტის დროს

ნუ შეწყვეტთ დეპაკინი ქრონო 300 მგ-ით მკურნალობას და ნუ შეცვლით დოზას ექიმთან კონსულტაციის გარეშე. ექიმის დანიშნულების გარეშე ტაბლეტების მიღების შეწყვეტის შემთხვევაში თქვენი დაავადება შეიძლება გაუარესდეს.

4. შესაძლო არასასურველი რეაქციები

როგორც ყველა პრეპარატს, მოცემულ პრეპარატსაც შეუძლია გამოიწვიოს არასასურველი რეაქცია, მაგრამ ის არ ვლინდება ყველა პაციენტში.

იშვიათ შემთხვევებში რეაქცია შესაძლებელია გამწვავდეს, ხოლო უმეტეს შემთხვევებში რეაქცია არ არის სერიოზული. ჩვეულებრივ რეაქციები შექცევადია. თუ აღგენიშნათ რომელიმე არასასურველი რეაქცია, შეიძლება დაგჭირდეთ სამედიცინო დახმარება.

- ღებინება, გულისრევა ან კუჭის ტკივილი, დიარეა, განსაკუთრებით მკურნალობის საწყის ეტაპზე,
- თავის ტკივილი,
- კანკალი (ტრემორი), ძილიანობა, არასტაბილური სიარული,
- აგრესია, აჟიტირება (ემოციური აგზნება), ყურადღების დარღვევა, უჩვეულო ქცევა და ფსიქომოტორული ჰიპერაქტიურობა,
- თავბრუსხვევა,
- ხელ-ფეხის დაბუჟება ან დაძაბვა,
- არარსებული საგნების დანახვა, შეგრძნება ან გაგონება (ჰალუცინაციები),
- კანის რეაქციები, როგორცაა გამონაყარი,
- გარდამავალი თმის ცვენა, თმის უჩვეულო ზრდა, თმის უჩვეულო სტრუქტურა, თმის ფერის ცვლა,
- ზედმეტად გათმინება, განსაკუთრებით ქალებში, ვირილიზმი, აკნე (ჰიპერანდროგენიზმი),
- მენსტრუალური ციკლის შეცვლა,
- სმენის პრობლემები,
- ღრძილების პრობლემები (უმეტესად ჰიპერტროფია),
- პირის ღრუს ანთება, შეშუპება, წყლულები პირში და წვის შეგრძნება (სტომატიტი),
- თვალების სწრაფი უკონტროლო მოძრაობა,

- ალერგიული რეაქციები,
- ტერფების და ფეხების შეშუპება (ედემა),
- სხეულის მასის მომატება,
- თირკმლის პრობლემები, უნებლიე ან ხშირი შარდვა, შარდის შეუკავებლობა (უნებლიე შარდვა),
- სხეულის ტემპერატურის დაწვევა,
- მამაკაცებში უშვილობა,
- მესხიერების და კოგნიტიური დარღვევები (ცნობიერების დარღვევა),
- სწავლის უნარის დარღვევა.

დარღვევები ფრჩხილების და ნუნების მხრივ (ხშირი).

წონაში მატება, მხედველობის გაორება (იშვიათად).

არსებობს ინფორმაცია ძვლების დაზიანების შესახებ, ოსტეოპენიის და ოსტეოპოროზის ჩათვლით (რაც იწვევს ძვლის სიმკვრივის შემცირებას).

თუ ხანგრძლივად მკურნალობთ ეპილეფსიის საწინააღმდეგო პრეპარატით, გაქვთ ანამნეზში ოსტეოპოროზი ან ღებულობთ სტეროიდებს, კონსულტაციისთვის მიმართეთ თქვენს ექიმს ან ფარმაცევტს.

დაუყოვნებლივ მიმართეთ თქვენს ექიმს, თუ შენიშნავთ რომელიმე არასასურველ სამკურნალო საშუალებას. შესაძლოა, ზოგიერთ შემთხვევაში დაგჭირდეთ სასწრაფო სამედიცინო დახმარება:

- გონებრივი შემცდრების ცვლილება, უჩვეულო ქცევა, რომელიც დაკავშირებულია იშვიათ ან მძიმე კრუნხვებთან, გარემოს მიმართ ინტერესის დაკარგვა, განსაკუთრებით მაშინ, როდესაც პრეპარატი მიიღება ფენობარბიტალთან ან ტოპირომატთან ერთად, ან დეპაკინი ქრონო 300 მგ-ის დოზის მოულოდნელად გაზრდის დროს.
- მრავალჯერადი ღებინება, გადაღლილობა, მუცლის ტკივილი, ძილიანობა, სისუსტე, უმადობა, ძლიერი ტკივილი მუცლის ზედა არეში, ღებინება, სიყვითლე (კანის და თვალის გუგების გაყვითლება), ფეხების შეშუპება, ეპილეფსიის გამწვავება ან საერთო ჯანმრთელობის დარღვევის შეგრძნება.
- პრობლემები სისხლის შედეგებასთან დაკავშირებით.
- სპონტანური სისხლჩაქცევები ან სისხლდენა.
- ბუშტუკები კანის აქერცვლით.
- სისხლის თეთრი უჯრედების რაოდენობის საგრძნობლად შემცირება ან ძვლის ტვინის უკმარისობა, რომელიც ვლინდება მაღალი ტემპერატურით და სუნთქვის გაძნელებით.
- დაბნეულობა, რომელიც აღინიშნება სისხლში ნატრიუმის შემცველობის დონის შემცირების გამო.

- ალერგიული შეშუპება მტკივნეული ქავილით (ძალიან ხშირად თვალების, ტუჩების, ყელის არეში და ზოგჯერ ხელის გულებსა და ფეხებზე).
 - სამკურნალწამლო გამონაყარის სინდრომი, მაღალი ტემპერატურა, ლიმფური კვანძების გადიდება და სხვა ორგანოების სავარაუდო დარღვევა.
 - ფარისებრი ჯირკვლის ფუნქციის დაქვეითება, რომელიც შეიძლება იყოს დადლილობის და წონაში მატების მიზეზი (ჰიპოთირეოზი).
 - ალერგიული რეაქციები, რომლებიც იწვევს სახსრების ტკივილს, კანზე გამონაყარს და კანის დახეთქვას (სისტემური წითელი მგლურა).
 - ექსტრაპირამიდული დარღვევები.
 - სუნთქვის გაძნელება და ტკივილი ფილტვების ლორწოვანი გარსის ანთების გამო (პლევრალური გამონადენი).
 - კუნთების ტკივილი და სისუსტე (რაბდომიოლიზი).
 - თირკმელების დაავადება.
 - კრუნჩხვის შემთხვევების გახშირება და ინტენსივობის მომატება.
- დეპაკინი ქრონო 300 მგ-ს შეუძლია გამოიწვიოს თრომბოციტების რაოდენობის ან სისხლის წითელი უჯრედების შემცირება, ასევე ძვლის ტვინის დაზიანება.

შეტყობინება არასასურველი რეაქციების შესახებ

რომელიმე არასასურველი სამკურნალწამლო რეაქციის გამოვლენის შემთხვევაში, შეატყობინეთ თქვენს ექიმს ან ფარმაცევტს. აღნიშნული ითვალისწინებს ნებისმიერ შესაძლო არასასურველ რეაქციას, რომელიც არ არის მითითებული წინამდებარე ინსტრუქციაში. ასევე, შეგიძლიათ აცნობოთ არასასურველი რეაქციის შესახებ პირდაპირ წამლის აღმასრულებელ სააგენტოს: “დამიან გრუევის” ქუჩა №8, 1303 სოფია, ტელ: +35 928903417, ვებ-გვერდი: www.bda.bg.

არასასურველი რეაქციების შესახებ შეტყობინებით, შეგიძლიათ შეიტანოთ თქვენი წვლილი აღნიშნული პრეპარატის უსაფრთხოების შესახებ ინფორმაციის შეგროვებაში.

5. დეპაკინი ქრონო 300 მგ-ის შენახვის წესი

პრეპარატი ინახება ბავშვებისთვის მიუწვდომელ ადგილზე.

პრეპარატის მიღება არ შეიძლება მუყაოს შეფუთვაზე მითითებული ვარგისობის ვადის გასვლის შემდეგ.

ვარგისობის ვადა გულისხმობს მითითებული თვის ბოლო დღეს.

დაუშვებელია პრეპარატის გადაგდება კანალიზაციაში ან საყოფაცხოვრებო ნაგავთან ერთად. პრეპარატის გაუნებელყოფასთან დაკავშირებით კონსულტაციისთვის მიმართეთ ფარმაცევტს. აღნიშნული ზომები ხელს შეუწყობს გარემოს დაცვას.

პრეპარატი არ საჭიროებს შენახვის სპეციალურ პირობებს.

6. შეფუთვის შემადგენლობა და დამატებითი ინფორმაცია

რას შეიცავს დეპაკინი ქრონო 300 მგ

- აქტიური ნივთიერებები: ნატრიუმის ვალპროატი და ვალპროის მჟავა. თითო ხანგრძლივი გამოთავისუფლების ტაბლეტი შეიცავს 199,8 მგ ნატრიუმის ვალპროატს (sodium valproate) და 87მგ ვალპროის მჟავას (valproic acid), რაც შეესაბამება 300 მგ ნატრიუმის ვალპროატს (sodium valproate).
- დამხმარე კომპონენტები: ეთილცელულოზა, ჰიპრომელოზა, კოლოიდური ჰიდრატირებული სილიციუმის დიოქსიდი, ნატრიუმის საქარინი, პოლიაკრილატი, მაკროგოლი, ტალკი, ტიტანის დიოქსიდი.

დეპაკინი ქრონო 300 მგ-ის აღწერა და შეფუთვის შემცველობა

აპკიანი გარსით დაფარული ხანგრძლივი გამოთავისუფლების ტაბლეტები დეპაკინი ქრონო 300 მგ წარმოდგენილია კოლოფში 100 ტაბლეტით (პლასტმასის ფლაკონი 2X50)

სავაჭრო ლიცენზიის მფლობელი:

შპს “სანოფი ბულგარეთი”

“ცარიგრადსკო გზატკეცილის“ ბულვარი 90

ქალაქი სოფია 1784, ბულგარეთი

ტელ: +359 2 970 53 00, ფაქსი: +359 2 970 53 33

მწარმოებელი:

Sanofi Winthrop Industrie

1, rue de la Vierge

AMBARES ET LAGRAVE

33565 CARBON BLANC CEDEX, საფრანგეთი

ტექსტის ბოლო რედაქტირების თარიღი: 2019 წლის ნოემბერი

ინფორმაციის სხვა წყაროები

მოცემული პრეპარატის შესახებ დეტალური და აქტუალური ინფორმაცია შეგიძლიათ იხილოთ სმარტფონში QR კოდის სკანირებით, რომელიც მითითებულია ინსტრუქციაში: ინფორმაცია მომხმარებლისთვის. ასევე, ინფორმაცია ხელმისაწვდომია შემდეგ URL-მისამართზე: <http://qr.valproateandme.bg>.

ხელმოწერილია

ბეჟედლასშულია (Sanofi-Aventis Recherche and Developpement; გლობალური რეგულირების განყოფილება - ავრიკის, შუა აღმოსავლეთისა და ევრაზიის რეგიონი; პიერ ბროსოლეტეს გამზირი 1, F-91385 შიი მაზარენის ფოსტა)

770612
157x210 DC
4238